

詩

益

詩益卷之十九

金壇後學劉如興

字子彥

纂

雅歌辨

古者雅樂歌詩之義。秦漢以來其亡已久。詳者不可得聞。今略採其說之見於傳註者而爲之辨。昔三家歌雅。孔子譏之。曰。杞維辟公。天子穆穆。奚取於三家之堂。由此言之。凡歌詩必從其類。左氏亦曰。歌詩必類。此語蓋古樂之遺意歟。類者。義之所由生也。義有取則歌之。義無取。非僭則謬矣。故天子諸侯以下異其等。祭祀朝會燕饗之用異其宜。而

風雅頌之詩辨焉孔子所爲正樂也

說詳見後

故凡傳註所

載聲歌之說雖有不同然以孔子譏歌雍之義與編詩之意合之其得失可推而曉也今列其說如左。

春秋傳衛甯武子來聘公與之宴爲賦湛露及彤弓不辭又不答賦使行人私焉對曰臣以爲肄業及之也昔諸侯朝正於王王宴樂之於是乎賦湛露則天子當陽諸侯用命也諸侯敵王所愾而賦其功王於是乎賜之彤弓一彤矢百旅弓矢千以覺報宴今陪臣來繼舊好君辱貺之其敢干大禮以自取戾

衛甯武子之言善矣夫。其與孔子譏歌雅之意曷異焉。然當世諸侯大夫。僭禮者多。能深達大義如武子者。其人絕不可復得。叔孫氏以下蓋不及焉。故孔子自衛返魯而正樂。其大旨略具今三百篇中。說見後論語條下。其他傳記雜載之說。益多當世失禮之事。與聖人正樂之旨實相反。故特採其正者冠於首。以著其概云。

春秋傳叔孫豹如晉。晉侯饗之。金奏肆夏之三。不拜。工歌文王之三。又不拜。歌鹿鳴之三。三拜。韓獻子使行人子員問之。對曰。三夏天子所以饗元侯也。使臣弗敢。與聞。文王

兩君相見之樂也。臣不敢及鹿鳴。君所以嘉寡君也。敢不拜嘉。四牡。君所以勞使臣也。敢不重拜。皇皇者華。君教使臣。曰必諮於周。臣聞之。訪問於善。爲諮。諮親爲詢。諮禮爲度。諮事爲諏。諮難爲謀。臣獲五善。敢不重拜。

三夏。肆夏。韶夏。納夏也。其詩今亡。或曰時邁執競思文者誤。辨已見本篇。左氏說三夏天子所以饗元侯。叔孫不敢與聞。以此推之。亦可得雅歌之義。但今詩已亡。其實未有考耳。附詳後周禮條下。大雅文王篇乃周公述文王之德以戒成王。蓋非爲朝會燕饗樂歌作者。如小雅鹿

鳴以下。燕飲羣臣諸詩。篇中自具燕飲意。而不及時事。乃是爲燕飲樂歌作者。大雅文王篇。周公惟美文王之德。以戒成王。而不及燕飲。故知非爲燕饗樂歌而作。讀者分別自見。○大雅文王篇。夫子集傳曰。周公立之樂官。以爲天子諸侯朝會之樂。蓋周公作詩後。或實於成王朝會諸侯時歌之。亦所以戒成王也。或朱子云云。然玩當時作詩本意。實非爲朝會樂歌作也。故篇中亦極不及朝會事。又如兩君相見。是以

諸侯會諸侯耳。而歌陳成天子之詩。凡篇中對天子語。

其於諸侯義奚取耶。若然歌之。則與三家乎何異。

如曰。無念。

爾祖華修厥德。求言昭命。自求多福。又曰。宜鑒於殷。駿命不易。又曰。實利文王。萬邦作孚。爾成王也。命天子有天下之天命也。萬邦作孚。亦天子之事也。凡此皆非對諸侯語。大明詩述大王王季文武之德。以戒成王。義同文王篇。小雅鹿鳴之三。亦天子之正雅也。已見前蓋周室

總說。

變禮之初諸侯燕射或用之。

說見後儀禮條下。

故叔孫氏舍彼

取此。然已非其本。

作詩本意。

矣。此所謂知其一。不知其二者。

其不及審武遠矣。

春秋傳吳公子札來聘請觀於周樂使工爲之歌周南召南曰美哉始基之矣猶未也然勤而不怨矣爲之歌邶鄘衛曰美哉淵乎憂而不困者也吾聞衛康叔武公之德如是是其衛風乎爲之歌王曰美哉思而不懼其周之東乎爲之歌鄭曰美哉其細已甚民弗堪也是其先亡乎爲之歌齊曰美哉泱泱乎大風也哉表東海者其大公平國未

可量也爲之歌幽曰美哉蕩乎樂而不淫其周公之東乎
爲之歌秦曰此之謂夏聲夫能夏則大大之至也其周之
舊乎爲之歌魏曰美哉渙渙乎大而婉儉而易行以德輔
此則明主也爲之歌唐曰思深哉其有陶唐氏之遺民乎
不然何憂之遠也非合德之後誰能若是爲之歌陳曰國
無主其能久乎自邵以下無譏焉此曰譏者言陳列國之
失如細已甚民弗堪國
無主其能久之類也謂護魯人誤歌爲之歌小雅曰美哉
琴瑟入雅樂之文也亦本文自明
思而不貳怨而不言其問德之衰乎猶有先王之遺民焉
爲之歌大雅曰廣哉熙熙乎曲而有直體其文王之德乎

爲之歌頌曰至矣哉直而不倨曲而不屈邇而不倡遠而
不攜遷而不淫復而不厭哀而不愁樂而不荒用而不匱
廣而不宣施而不費取而不貪處而不底行而不流五聲
和八風平節有度守有序盛德之所同也

昔朱子論鄭衛不入雅樂馬氏端臨據左氏此條辨其
說竊嘗因朱子之意推廣之蓋先王制樂金石未奏必

先考定樂章今雅頌二南及四聲是也此皆周室盛代著

作垂之後世以爲國家之典者小大雅利厲幽諸詩蓋

皆不在此列要周雅詩不宜入樂歌之已詩次也至如邶鄘衛以下衰世

諸侯之風其詩僅私錄於人人。說亦見詩次問雖其時列國樂

工或竊津習之然非周先王所制樂章則吳國公子來

請觀者周樂耳魯之樂工安得取其詩與雅頌二南相

雜而歌以亂先王之舊章蔑國家之大法如左氏云云

乎故不獨鄭衛里巷狹邪之辭不可以登諸廟朝之上

用諸朝會聘問燕饗之際有如朱子所譏者詳見總義就其

他正者亦多衰世之意乃儼然比於盛代雅頌之音以

辱賢公子之聽聞果出自何王之興制何國之創法耶

魯宴衛武晉饗叔孫誤歌樂章兩人猶知其非乃如此
條引衰世變賦混入先王雅樂賢如季札絕不加譏恐

無是理或謂傳云自邨以下無譏焉疑是左氏寓意語然傳意實非謂此也解已見上若謂當日

所歌或別有其詩而非今詩所存者則季札觀樂時去孔子甚近耳亦安得至刪詩之日而盡亡之竊疑左氏云云蓋因魯史有季札觀樂事遂依孔子刪定之書附會之然其說既有害於聖人編詩之意而又失當日正樂之微旨故詳辨於此以補朱子未盡之義至諸侯國風詩本非天子樂章所用說已詳詩次問故不復著

或疑魏晉時杜夔傳古雅樂四曲鹿鳴騶虞伐檀文王伐檀今魏風篇也以此推之邶鄘衛以下國風之

詩周代樂歌蓋亦嘗用之矣。愚謂其說不然。蓋魏晉
時杜氏所傳即當日樂工所私肄習者。及秦漢後古
樂已亡。惟此篇首節僅存。遂誤以爲雅樂。與鹿鳴騶
虞文王三篇同稱耳。非真古樂之遺也。或又疑左氏
所稱列國諸侯大夫宴會賦詩多取之國風。然非禮
之常。又其說亦多左氏附會而未可盡信者。詳後左
氏引詩錄辨。季札觀樂條未盡
說亦附詳後註。

又曰見舞象箭南籥者曰美哉猶有憾見舞大武者曰美
哉周之盛也其若此乎見舞韶濩者曰聖人之弘也而猶

有慙德聖人之難也。見舞大夏者曰美哉勤而不德。非禹其誰能修之。見舞韶箚者曰德至矣哉。大矣如天之無不
曠也。如地之無不載也。雖甚盛德其蔑以加於此矣。觀止
矣。若有他樂吾不敢請已。

象箚所謂象也。象箚武舞。南籥文舞。皆文王樂。韶濩大
濩也。韶箚大韶也。見後周禮條下。凡樂歌必兼及舞。故
略附其說。但傳記所載多不見三百篇。以其義無者。故
不悉論。已上春秋傳說。惟擇其大端著者辨之如此。餘
見後左氏引詩錄。

儀禮鄉飲酒工歌鹿鳴四牡皇皇者華笙入堂下樂南陔
白華華黍乃歌魚麗笙由庚歌南有嘉魚笙崇邱歌南
山有臺笙由儀乃合樂周南關雎葛覃卷耳召南鵲巢采
芣采蘋工告於樂正曰正歌備及燕坐後無算樂賓出秦
咳

鄭氏目錄云諸侯之鄉大夫三年大比。獻賢者能者於
其君。以禮賓之。與之飲酒。故有鄉飲酒禮。以此言之。鄉
飲酒者。雖諸侯鄉大夫所行之禮。然三年大比。王者重
典。故取小雅鹿鳴以下天子燕飲樂歌之詩用之。其並

歌此數篇者。鹿鳴。魚麗。南有嘉魚。取以況燕飲。而又有

頌美之意。四牡。皇皇者華。南山有臺。則與其賢能入覲

天子。服勞王事。爲邦家光。

鹿鳴。魚麗。南有嘉魚。皆歌詠燕飲之事。而鹿鳴爲德音孔昭。

云云。又美嘉賓之德。服勞王事。謂四牡。皇皇者華。爲

邦家光。謂南山有臺。南山有臺。又所以終頌美之。

詩及陔。區區無義。則不可曉。

陔。陔夏也。附見後周禮條下。

房中之樂

周南

召南。本屬通用。家庭之化。上下一體故也。儀禮所稱。此

爲得正其周室盛代制作之遺乎。

儀禮鄉射合樂。周南。關雎。葛覃。卷耳。召南。鵲巢。采芣。采蘋。

無工歌。笙歌。閒歌。及射奏。騶虞。閒若一燕坐。後無算樂。賓

出奏陔

鄭氏目錄云。州長春秋以禮會民而射於州序之禮也。

謂之鄉者。州鄉之屬。鄉大夫或在焉。賈氏

公彥

疏云。鄉大

夫三年大比。以鄉射之禮。五物詢衆庶。亦行此禮。今考

州長春秋會射。比鄉飲酒禮爲輕。故祇歌合樂。又行鄉

飲酒禮後。復行鄉射禮。亦祇歌合樂。蓋合樂周南召南

或謂之鄉樂。

其儀禮燕喜爲

以其得行於鄉也。故非三年大禮

及既行大禮後。復行射禮。皆仍歌本樂。而不敢上僭。則

可以知古者制作之意矣。此亦儀禮說之正者。其射用

騶虞附見後周禮條下。

儀禮諸侯燕禮工歌笙歌間歌合樂燕坐後無算樂賓出
奏陔竝同鄉飲酒禮

古者列國諸侯不得僭作天子雅頌之詩。孔子曰：天下
有道，禮樂征伐自天子出；天下無道，禮樂征伐自諸侯
出。此之謂也。其有天子賜諸侯樂者，或亦借歌天子之
詩。儀禮諸侯燕射歌小雅鹿鳴以下是也。此其事蓋周
之盛代已有之。成王賜魯伯禽，天子禮樂其明驗也。魯
天子禮樂其明驗也。魯
樂也。然既已受禮則亦借歌天子樂章矣。諸侯不得自

作詩故也。然已非當日作詩本意。而後世諸侯大夫僭用天

子雅樂之漸。其即始於此矣。說詳後禮記條下但由今合考鹿

鳴四牡皇皇者華魚麗南有嘉魚南山有臺諸篇其詩

雖爲天子燕飲樂歌而作。然篇內未有明指。此詩篇語意未有明

指天子言者。即以諸侯燕射借歌之。僑屬周室變禘之初。其

義稍爲近。王而非若後世僭歌文王大明諸詩之失禮

蔑義爲尤甚也。故儀禮一書。蓋猶出於周之盛世。傳習

於聖人之徒。而不詭於道。但謂周公當日制禮之初所

作。則恐有未然耳。成王賜魯伯禽天子禮樂。在周公既歿之後。然則周室變禘之事。其起於

周公之
後乎。夫子論次三百篇而以鹿鳴諸詩冠二雅首與

周室宣幽以上文武以下之詩同編所以追述當日制

作之本意明其爲天子樂章而非諸侯以降之所得僭

歌復明著其說於論語。如云正樂雖須得所及護三家舞而歌雍併上所引天下有道

云以示天下後世聖人正樂之深心不亦千載而如見

也夫。說詳後論語係下。

儀禮燕禮後記若釋則勺有房中之樂

勺鄭氏以爲卽酌辨見前本篇房中樂說云弦歌周南

召南無鐘磬之節。

儀禮大射禮賓入奏肆夏公拜受爵亦奏肆夏工歌鹿鳴
三終下管新宮三終及射奏狸首閒若一燕坐後無算樂
賓出奏陔公入醵

諸侯大射歌小雅說已見上肆夏詳後周禮條下新宮
或云小雅斯干篇狸首篇今匹。檠檠夏也。其篇亦匹。竝
見後周禮條下。已上儀禮說亦擇其大端著者附辨之。
下周禮禮記同。

周禮篇章掌土鼓陶篪中春鼙擊土鼓飲豳詩以逆暑中
秋夜迎寒亦如之凡國祈年於田祖歛豳雅擊土鼓以樂

田畯國祭蜡則飲酒頌擊土鼓以息老物

國風周南召南爲合樂亦名鄉樂又名房中樂鄉人邦國皆用之其說已備載儀禮惟幽詩無所見獨周官此條頗詳其古先王制作之遺乎今考七月篇首言授衣禦寒之事末言蒸冰備暑之事皆聖人變理陰陽之端禮有迎寒迎暑亦猶幽風之意故周官籥章職奏之其義抑何典以切也但所謂幽雅幽頌者今三百篇蓋以其詩鄭氏三分七月以當之謬矣說見前小雅辨

周禮鐘師以鐘鼓奏九夏王夏肆夏昭夏納夏章夏齊夏

族夏祓夏鷺夏

昭國語註作部
祓儀禮作亥

大司樂云王山人奏王夏尸出入奏肆夏牲出入奏昭
夏杜氏註云四方賓來奏納夏臣有功奏章夏夫人祭
奏齊夏族人侍奏族夏客酢而出奏祓夏公出入奏鷺
夏今按九夏亡闕無考但據春秋傳云三夏天子所以
享元侯則天子之樂章也而儀禮諸侯燕射立奏肆夏
蓋亦變禮之事而非其本歟儀禮奏
鷺或同不然則左氏之說
謬也馬氏端臨又謂九夏禹大夏之樂名義或然而未
有據存之。

周禮樂師教樂儀行以肆夏趨以采薺車亦如之

禮記玉藻同肆夏見上采薺篇今亡

又曰凡射王以騶虞爲節諸侯以狸首爲節大夫以采薺爲節士以采蘋爲節凡樂成則告備及徹帥學士而歌徹凡射以下禮記射義同召南騶虞篇言春田之際禽獸之多卽射義也狸首篇今亡然考其名義亦猶騶虞之類凡射奏之以爲節可謂得作詩之本矣但儀禮鄉射用騶虞諸侯大射用狸首狸首用於尊也騶虞用於卑也今周禮說反是豈傳聞之誤歟至如采蘋采薺美諸

侯夫人大夫妻奉祭祀之詩而用之以節射則其義不可曉微篇今亦以鄭氏云雖詩者謬也辨已見本篇

周禮大司樂以樂舞教國子舞雲門大卷大咸大磬大夏大濩大武乃分樂而序之奏黃鐘歌大呂舞雲門以祀天神奏大族歌應鐘舞咸池以祭地祇奏姑洗歌南呂舞大磬以祀四望奏蕤賓歌函鐘舞大夏以祭山川奏夷則歌小呂舞大濩以享先祖奏無射歌夾鐘舞大武以享先祖雲門大卷黃帝樂也大咸堯樂也卽咸池鄭氏云亦黃帝樂名堯增修用之大磬舜樂大夏禹樂大濩湯樂大

武武王樂也。其曰奏黃鐘歌大呂舞雪門云云者。隋朱
弘姚察等議云。以六樂配十二調。一代之樂。則用二調
是也。然以黃帝堯舜夏禹之樂。分祀天地山川神祇。而
先祖與先妣不同樂。則何說歟。蓋周禮之亾也久。孟子
云。諸侯去其籍。今其書後出。蓋多駁雜之論。而未可盡
據也。故節錄之如此。餘則闕之。

禮記樂記清廟之瑟。朱弦而疎越。豈倡而三歎。有遺音者
矣。

記言善矣。其周公當日制作之遺乎。蓋今讀其詩而猶

想見之。

禮記內則十有三年學樂誦詩舞勺成童舞象二十舞大夏

此古者教人學樂習舞之節次也。賈氏

公周禮疏云大

司樂教雲門以下六舞爲大舞。內則十三舞勺成童舞象爲小舞。又云二十舞大夏卽六舞也。今按勺舞以闕無考。然文王象舞春秋傳與大韶大夏並稱則豈得謂之小乎。賈氏以成童前習之而云小舞成童後習之而云大舞其說謬矣。

禮記仲尼燕居大饗有四焉兩君相見揖讓而入門入門

而縣興揖讓而升堂升堂而樂闋此當有升下管象武術

字夏簪序與客出以雍徹以振羽入門而金作示情也升

歌清廟示德也下而管象示事也文王世子天子視學云云適東序釋奠於先老

迷設三老五更羣老之席位焉登歌清廟下管象舞大武明堂位祭統說見下條

仲尼燕居云云非孔子之言也春秋傳說兩君相見歌

文王諸侯皆天子之難也今又偕天子廟頌矣夫頌者

歌以祭祀之詩也雖天子之朝會燕饗用之猶曰非禮

况諸侯乎於事則益非其類於義則愈無所取故曰非

聖人之言也。然其失禮之又甚。則亦有由焉。說詳見下。
象文王樂也。武字衍文。鄭氏解象武爲武王大武。因謂
大武亦名象者。誤。但文王象樂曰管。則與舞不同。蓋亦
有其詩而今亡之。夏籥。大夏舞也。振羽。或曰振鷺也。

禮記明堂位。成王以周公爲有勳勞於天下。命魯公世世
祀周公。以天子之禮樂。季夏六月。以禘禮祀周公於大廟。
升歌清廟。下管象。朱干玉戚。冕而舞大武。皮弁素積。祔而
舞大夏。祭統昔者周公旦有勳勞於天下。周公既殯。成王
康王追念周公之所以勳勞者。而欲尊魯故。賜之
以重祭。外祭則郊社內祭則大嘗禘。大嘗禘升歌清廟。下
而管象。朱干玉戚。以舞大武。八佾以舞大夏。此天子之樂。

也康周公故
以賜魯也

先儒謂成王之賜伯禽之受皆非禮也斯言善矣然其
歌詩亦有說焉蓋魯祫以文王爲自出之祖而周公配
之故升歌清廟而下管象所以祭文王也佐以大武舞
者則咸美武王之功耳且夫作清廟象武者其周公乎
故咸有奏焉亦所以美周公也此魯當日僭禮之始猶
未亾制作之遺意其說可推而曉也惟前代樂祇取大
夏而不及其他則義不可通或傳聞誤耳又按明堂位
文王世子祭統竝曰下管象又曰舞大武燕居云云衍

義可知。此益見鄭氏謬合象與大武爲一之非。蓋文武兩樂不宜同名。又象卽大武則二者不宜重出也。一說燕居兼言象武亦與明堂位文王世子祭統同義而有闕文亦通。餘說見下。

禮記王制天子賜諸侯樂則以柷將之。賜伯子男樂則以鼗將之。

此衰周時列國諸侯大夫借用天子樂章之始也。何以言之。古者諸侯不得制作禮樂。故無雅頌之詩。其受天子賜者。或取天子之詩借歌之。儀禮諸侯燕射歌小雅

鹿鳴以下是也。此諸侯僭天子雅詩之始也。周成王賜魯禘祭。魯行禘時。遂歌周頌清廟。及舞大武諸詩。此諸侯僭天子頌詩之始也。成王所賜伯禽所受者。惟周公廟耳。其後魯羣公廟。皆踵而行之。三家爲桓公後。遂立廟私家。而僭用天子禮樂。故舞八佾歌雍焉。此大夫僭天子頌詩之始也。古者大事行於廟。如兩君相見。亦行禮廟中。廟祭既僭。歌天子頌詩。故行饗禮時。亦因而歌之。如前記云云者。謂燕居大饗歌清廟諸詩此又諸侯饗禮僭天子頌詩之始也。他如魯宴賓。僞爲賦湛露彤弓。晉饗叔孫。

歌文王大明。則皆周初變禮諸侯燕射借歌天子雅詩之失。積漸使然。又魯既因成王之賜。僭用天子禮樂。於是列國諸侯受賜者皆僭用之。其大夫亦然。如楚令尹賦大明。韓宣子賦我將之。見後左氏引詩錄。此列國諸侯大夫咸僭天子雅頌之始也。然列國諸侯大夫咸僭天子雅樂。則皆以天子之賜諸侯者爲之始。故曰列國諸侯大夫僭用天子樂章之始也。自春秋傳及此。雜引傳記諸說。略著當世僭禮之大端。而下文哀以論語明聖人編詩之意。與正樂之旨。以附詩義云。

論語孔子謂季氏八佾舞於庭是可忍也孰不可忍也三家者以雍徹子曰相維辟公天子穆穆奚取於三家之堂此孔子正樂之大旨也春秋傳公問羽數於衆仲對曰天子用八諸侯用六大夫四士二夫舞所以節八音而行八風故自八以下其三家歌雍說則已見前蓋古者諸侯大夫不得歌天子之詩此風雅之辨也祭祀朝會燕饗各有其宜此雅頌之辨也其義並詳於下夫當日魯侯僭禮孔子略而不言臣諱其君之義也惟季氏則切責而著明之所以罪其惡之尤甚耳

論語子語魯大師樂曰樂其可知也始作翕如也從之純如也皦如也釋如也以成子曰師擊之始闕雝之亂洋洋乎盈耳哉

此孔子正樂之一也蓋孔子所謂正樂者有二其一考其音節於樂官語魯大師云云是也其詳今不可得聞矣其一編次樂章以定其義今三百篇是也則如下文所推

論語子曰吾自衛反魯然後樂正雅頌各得其所

此孔子正樂之一也蓋春秋時列國諸侯大夫咸僭天

子禮樂而不辨其尊卑上下之等。祭祀朝會燕饗之宜。故風雅頌之詩。樊然殽亂。而其義之不明於天下也久矣。朱子論語註云。是時詩樂頌殘闕失次。按孔子未刪詩以前。三百篇次序。今不可曉。蓋其間必多樊亂失次。如傳記載當時宴會歌詩。風雅頌經無分。辨則當日編次可知。後儒性惑於左氏季札觀樂篇謬說。謂孔子未刪詩次第如此。遂有心忽略。不詳其義。謂哉。孔子自衛返魯。歸而正樂。既已

考其音節於樂官。復采大師所職。及當代所用祭祀朝會燕饗樂歌之篇。合而論次之。或則編之風。謂如二南及四。或

則編之雅。謂如鹿鳴。皇矣。皇矣。華及文王。大馬。緜諸詩。或則編之頌。謂如清廟。振鷺。

雍武。編之風者。則與列國諸侯之詩並次。明其為諸侯

以下之所得同歌也。

謂二南及幽與邶鄘衛以下衰世諸侯之詩並次其實二南與幽非

諸侯國風類也。說詳詩次司。

編之雅者則與宣幽以上文武以下之

詩並次明其為天子之制作而不可以替於下也。

謂小雅

雅歌詩與宣幽以上諸詩並次

稱之者則與祭祀宗廟天地山川鬼

神之詩並次明其為祭祀樂歌之用而與風雅不同類

也。燕飲以惠羣下天子之重禮也其行於朝會與行於

祭祀禮雖不同而其燕飲均也故其詩同編於雅。

凡燕飲樂

歌詩皆司大小雅朝會燕飲如夢蓍湛露彤弓之屬祭祀燕飲謂祭畢燕父兄宗族之行葦既醉楚茨信南山之祭祀以奉神明亦天子之重禮也其行於宗廟與行

於天地山川鬼神禮雖不同而其祭祀均也故其詩同

編於頌凡祭祀樂歌詩皆列周頌祭宗廟如清廟蓋風

以達諸侯雅以尊天子頌以協天地宗廟山川鬼神是

故事鬼神之道不可以或喪也故凡祭畢燕飲之詩編

之雅不編之頌所以別神人也禮羣下之道不可以或

替也故凡祭祀朝會燕飲之詩編之雅不編之風所以

辨貴賤也然後風雅頌之義既明則頌詩用於宗廟而

不得用於朝會如肅君相見不得雅詩用於燕饗而不得

用於祭祀如行葦詩非正祭祀所凡雅頌諸詩皆用

歌其他朝會燕饗詩亦然

於天子之祭祀朝會燕饗而不得用於諸侯大夫故曰
雅頌各得其所不言風者達於諸侯故也然則孔子編
詩之意其卽正樂之意也夫。

鄭氏詩譜云國君樂歌以小雅天子以大雅然而饗賓或
上取燕或下就何者天子饗元侯歌肆夏台文王諸侯歌
文王合鹿鳴諸侯於鄰國之君與天子於諸侯同天子諸
侯燕羣臣及聘問之賓皆吹鹿鳴合鄉樂此其大校見在
書籍禮樂崩壞不可得詳漢興鄭氏東漢爲禮家所宗故
採其譜說一條繼前傳記論語
諸書辨之以卒雅歌之義嗣後學
者大概往往仍用舊說故不復詳。

鄭氏說皆本春秋傳儀禮禮記之文推廣之。

許見孔氏疏今

按春秋傳及三禮其說之不合於義者已不可強通况復推廣之乎。鄭氏說固無足辨者。至其上取下就數語則尤害義。夫先王制禮以定尊卑。以別上下。降尊於卑。謂之替。用下干上謂之脅。上取則已近於脅。下就則又近於替。若此。則上下尊卑之制蕩然矣。其害曷可勝言哉。今說已略具前辨。茲復合雅頌諸篇考之。蓋自大雅板蕩小雅節南山以下。凡刺厲王幽王詩不登樂歌外。說已見前。小雅祈父以下刺宣王詩同。其大雅文王小雅六月以下。頌美

先王先公之詩。則或因事播之聲歌。宣之金石。以明昭

盛德。著成功。勵後嗣之意。然此非其常者。至如天子燕

羣臣嘉賓。歌鹿鳴。魚麗。南山有嘉魚。南山有臺。

後菁菁者。莪。鴈桑。鵲。

同燕使臣。

上文謂無事燕羣臣。此謂燕其使臣。

歌四牡。皇皇者華。燕諸侯

及朝會行禮。歌蓼蕭。湛露。彤弓。瞻洛。裳華。桑扈。鵲。鵲。魚

藻。采菽。燕兄弟。昏姻。故舊。歌常棣。伐木。頌弁。車牽。燕折

衝。武臣。與勞。遣戍役士卒。歌采芣。出車。杕杜。黍苗。

四篇乃後

人借歌。而夫子取之。所以備燕樂也。說詳詩次問。

既祭而燕。歌行葦。既醉。鳧鷖。

假樂。

楚茨。信南山。甫田。大田。四篇借歌同。

凡郊廟山川祭祀。歌周頌清廟。

以下二十九篇

周頌三十一篇內附臣工
意嘻戒農官詩不在此例

故天子則歌

雅頌諸侯則歌國風

如儀禮鄉射祫歌合樂之屬侯國
之正禮也其他不可得詳以例推

之凡諸侯燕射諸禮蓋亦祫歌
合樂而不敢上僭猶鄉射禮歟

此其大略也近代學者

惑於傳記駁雜之說乃以後世僭禮之事而失聖人編

詩之意與正樂之旨使聖經之大義卒不明於天下嗚

呼其亦甚矣愚故采輯其說而詳辨之如此

續補儀禮諸侯燕射歌小雅辨

按儀禮諸侯燕射歌小雅知其爲周室變禮之事者以
凡雅皆天子之詩斷之說詳前總辨至其變禮之初今

已無可考。但以義推之。諸侯不得僭作天子雅頌之詩。其借歌天子雅章。蓋由受天子之賜而然。此如征者上伐下也。敵國不相征。諸侯賜弓矢。然後征之例。又諸侯燕禮。並歌鹿鳴。四牡。皇皇者華。以下十三詩。至詩亡與關在外與鄉飲酒禮同者。蓋鄉飲酒禮。乃侯國所常行。故燕禮借歌雅章。亦卽襲用鄉飲酒禮之文。而不辨其義。故並歌諸詩如此。其實雅歌樂章。恐當依事分類。不宜數詩混用也。鄉飲酒並歌諸詩各有義理。說已詳前。其他天子燕養。凡謂歌合樂諸篇。或可通用。至無事燕羣臣。歌鹿鳴。燕使臣。歌四牡。皇皇者華。或燕使臣。並歌鹿鳴。義猶可通。以鹿鳴本篇義兼燕外國之使故也。若無事

燕羣臣其時既無出使事恐不宜歌四牡皇皇者華矣
又四牡勞其來皇華以遣之勞者不必歌遣遣者不必
歌勞卽此二詩卽此一端推之可見儀禮所稱已爲沿
恐亦當有分辨
襲變禮之事而非制作之本矣此條前說有所未盡故
復申論於此以補雅歌詩之義焉

詩益卷之十九終

詩益卷之二十

金壇後學

左氏內外傳引詩錄

附辨

左氏內外傳引詩說。朱子集傳往往援據證驗。又所稱列國諸侯大夫宴會歌詩。近代學者或復泥其義辨駁本篇詩解。馬氏謂曲盡如鄭衛淫奔諸詩。據左傳說辨駁朱子略已見前辨。故集而論

之明其多附會之失而不可為信。庶幾解學者之惑。又其大端亦可見當世借禮之惠。前雅歌辭既略陳之。而其小者備著於此云。左氏說凡不關詩義者。惟節錄所引詩辭其傳文不復錄。若有關詩

詩雜辨

義則詳錄之而
附詳其下焉

內傳

隱元年鄭伯克段於鄆傳

凡曰某傳者皆以經文為主其無經文及外傳國語皆引本傳

首句○君子曰穎考叔純孝也云云詩曰孝子不匱永錫
爾類

詩大雅既醉篇傳引詩證穎考叔愛其母施及莊公杜

氏註云莊公孝思不怠考叔感而通之所謂末錫爾類

類謂時類也朱子集傳云類善也凡左氏說詩多與朱

子不同蓋傳文斷章取義不一例也今略採其一二著

者表之不能悉錄。

隱三年鄭武公莊公爲平王卿士傳。○君子曰風有采芣
采芣雅有行葦河酌

采芣采蘋召南篇名。行葦河酌大雅篇名。

宋公和卒傳。○君子曰商頌曰殷受命咸宜百祿是荷
詩商頌玄鳥篇。

隱四年衛州吁弑其君完傳。○衛莊公娶於齊東宮得臣
之妹曰莊姜美而無子衛人所爲賦碩人也

詩衛風篇名。此曰賦者謂作詩也。下載馳情入同。詩曰

齊侯之子。衛侯之妻。東宮之妹。邢侯之甥。譚公維私。詩有明文。故左氏據之。

桓六年北戎伐齊傳。鄭大子忽曰。詩云自求多福。

詩大雅文王篇。

桓十二年公欲平宋鄭傳。君子曰。詩云君子屢盟。亂是用長。

詩小雅巧言篇。

莊六年衛侯朔入衛傳。君子以二公子之立。黔牟爲不度矣。云云。詩云本枝百世。

詩大雅文王篇枝。今詩作支。今按左氏傳意以樹木比子孫故支從枝。朱子集傳云本宗子也。支庶子也。與左氏小異。

莊二十二年陳人殺公子御寇傳。齊侯使敬仲爲卿辭曰云云。詩云翹翹車乘招我以弓豈不欲往畏我友朋逸詩也不見三百篇。

閔元年齊人救邢傳。管仲言於齊侯云云。詩云豈不懷歸畏此簡書。

詩小雅出車篇。

閔二年狄入衛傳。許穆夫人賦載馳

載馳。衛風篇名。今誤作鄘風。詩曰歸唁衛侯。又曰許人尤之。詩亦自有明文。而左氏據之。

鄭棄其師傳。鄭人惡高克。使帥師次於河上。久而弗召。師潰而歸。高克奔陳。鄭人爲之賦。清人

清人。鄭風篇名。凡左氏說詩。如碩人載馳之類。本篇皆有明文可據。惟此篇詩中不見高克事。左氏說深有裨詩義云。

僖五年晉侯殺世子申生傳。士爲對晉侯云云。詩云展

德惟寧宗子惟城

詩大雅板蕝惟今詩作維後同。

僖九年晉里克殺其君之子夷齊傳。君子曰詩所謂白圭之玷尚可磨也斯言之玷不可爲也

詩大雅抑篇。

晉卻芮使夷吾重賂秦求入傳。公孫枝對秦伯云云詩曰不識不知順帝之則又曰不僭不賊鮮不爲則

詩大雅皇矣及抑篇。

僖十二年齊侯使管夷吾平戎於王傳。君子曰詩曰愷

梯君子神所勞矣

詩大雅旱麓篇。愷悌。今詩作豈弟。後同。

僖十五年秦晉戰韓。傳。惠公在秦。韓簡。傳。曰云云。詩曰。下民之孽。匪降自天。傳。脊背憎。職。競。由人。

詩小雅十月之交篇。傳。今詩作時。

僖十九年宋人圍曹。傳。子魚言於宋公云云。詩曰。刑于寡妻。至于兄弟。以御于家邦。

詩大雅思齊篇。

僖二十年楚人伐隨。傳。君子曰。詩曰。豈不夙夜。謂行多

露

詩召南行露篇

僖二十二年富辰言於王傳。富辰言於襄王云云詩曰
揚比其鄰皆姻孔云

詩小雅正月篇協今詩作洽。

及祁戰升陞傳。臧文仲曰詩云戰戰兢兢如臨深淵如
履薄冰又曰敬之敬之天惟顯思命不易哉

詩小雅小旻及周頌敬之篇兢兢今詩作兢兢

僖二十四年晉公子重耳之及於難傳
乃送諸
○他日公

詩益 卷二十一
養之公子賦河水公賦六月趙衰曰重耳拜賜公子降拜稽首公降一級而辭焉衰曰君稱所以佐天子者命重耳重耳敢不拜

河水逸詩不見三百篇六月小雅篇名此曰賦者謂歌詩也說詳見後秦穆公賦六月趙衰曰君稱所以佐天子者命重耳重耳敢不拜此猶爲賦天子之雅而不失其義者六月次章曰王于出征以佐天子故趙衰之言云爾

天王出居于鄭傳○富辰曰召穆公思周德之不類故糾

合宗族於成周而作詩曰常棣之華鄂不韡韡凡今之人
莫如兄弟其四章曰兄弟鬩於牆外禦其侮又曰周之有
懿德也猶曰莫如兄弟故封建之其懷柔天下也猶懼有
外侮扞禦侮者莫如親親故以親屏周召穆公亦云

詩小雅常棣篇左氏此條前云召穆公作詩後復曰周
之有懿德也詩曰莫如兄弟召穆公亦云外傳又以爲
周文公之詩蓋左氏說亦得之傳圖而未有定解如此
云

鄭子威出奔宋傳○君子曰詩曰彼己之子不稱其服又

詩曰自詒伊戚

諫曹風候人及小雅小明篇彼已之已。今詩作其。

僖二十八年晉楚戰城濮傳。○君子謂文公云云詩云惠此中國以綏四方

諫大雅民勞篇。

僖三十三年晉人敗狄於箕傳。○臼季對文公云云詩曰采芣采芣無以下體

諫衛風谷風篇今誤作邶風。

文元年般之役晉人既歸秦師傳。○秦伯曰周芮良夫之

詩曰大風有隧貪人敗類聽言則對誦言如醉匪用其良
覆俾我詩

詩大雅桑柔篇詩無芮良夫明文小序芮伯刺厲王語
本此

文二年秦晉戰彭衙傳○君子謂狼曠云云詩曰君子如
恐亂庶遄沮又曰王赫斯怒爰整其旅

詩小雅巧言及大雅皇矣篇

秦伯猶用孟明傳○趙成子言於諸大夫云云詩曰毋念
爾祖聿修厥德

詩大雅文王篇毋今詩作無復同

詩信公傳。君子以爲失禮云云魯頌曰春秋匪解享祀
不貳皇皇后帝皇祖后稷又詩曰問我諸姑遂及伯姊
詩魯頌閟宮及衛風泉水篇泉水今誤作邶風

文三年秦伐晉傳。君子是以知秦穆公之爲君云云詩
曰于以采芣于沼于沚于以用之公侯之事夙夜匪解以
事一人臨厥孫謀以燕翼子

詩召南采芣及大雅烝民文王有聲篇

公如晉傳。晉侯享公賦菁菁者莪公賦嘉樂

菁菁者莪詩小雅篇名嘉樂詩大雅篇名嘉今詩作饒
今按春秋時列國諸侯大夫宴會賦詩贈答以明已志
乃當時習尚如此孔子亦曰誦詩三百不能專對雖多
亦奚以爲然僭妄失禮之事往往而有故有以天子之
詩諸侯大夫皆歌之而不自知其非也如大雅假樂篇
曰假樂君子顯顯令德宜民宜人受祿於天又曰十祿
百福子孫千億穆穆皇皇宜君宜王君子謂天子也受
祿於天言天子受天之命而有天下也宜君宜王君謂
侯也
上天子也刺適爲
天子支庶爲諸侯又言其子孫世世爲天子而受天命

也。今晉諸侯也，而魯君賦此美之，何異三家之歌雍子

杜氏說義止取首章說附詳後

夫此猶非燕饗用樂之常耳。

說詳見後

既且

播之金石，協之工歌，魯叔孫所譏是也。孔子爲此，懼故

歸而正樂。夫孔子不得位，其所爲正樂者，亦不過編次

其樂章以定其義。今三百篇是也。至其聲歌，雖嘗私訂

於魯之樂官，然當時天下未必信而從之，而今公矣。左

氏春秋傳說雖多所附會，然亦可見當世僭禮之大端。

故復擇其著者，摭前辨之義，折衷之以推廣其說云。

文四年逆婦姜於齊傳。○君子是以知出姜之不允於魯。

云云詩曰與天之威于時保之

詩周頌我將篇

楚人滅江傳。君子曰詩云惟彼二國其政不獲惟此四國爰究爰度

詩大雅皇矣篇

衛甯俞來聘傳。公與之宴爲賦湛露及彤弓不辭又不答賦使行人私焉對曰臣以爲肄業及之也昔諸侯朝正於王王宴樂之於是乎賦湛露則天子當陽諸侯用命也諸侯敵王所愾而獻其功王於是乎賜之彤弓一彤矢百

茲弓矢千以覺報宴今陪臣來繼舊好君辱貺之其敢干
天禮以自取戾

淇露彤弓。小雅篇名。此條說見前雅歌辨傳曰。爲賦淇
露及彤弓。杜氏註曰。蓋非禮之常。公特命樂人以示意。
故言爲賦。今按杜氏云非禮之常。此可推左氏所引賦
詩之說。詳見後文。又傳云爲賦。未嘗明言工歌也。然下
文竊餘又曰。臣以爲肄業及之。杜氏云公命樂人。說亦
可通。餘說並詳後。

文六年秦伯任好卒傳。○秦伯任好卒以子車氏之三子

奄息仲行鍼虎爲殉皆秦之良也國人哀之爲之賦黃鳥
君子曰詩曰人之云亡邦國殄瘁

黃鳥秦風篇名又詩大雅瞻卬篇黃鳥篇首章曰誰從
穆公子車奄息二章曰子車仲行三章曰子車鍼虎詩
自有明文故左氏據之

文七年秦晉戰令狐傳○先蔑之使也荀林父止之云云
弗聽爲賦板之三章又弗聽

板詩大雅篇名

文十年陳侯鄭伯會楚子於息傳○或謂子舟云云子舟

曰詩曰剛亦不吐柔亦不茹毋縱詭隨以謹罔極

詩大雅烝民及民勞篇。

文十三年公如晉傳。○鄭伯與公宴於棐于家賦鴻鴈文
子賦四月子家賦載馳之四章文子賦采芣之四章

鴻鴈四月采芣皆小雅篇名載馳衛風篇名今誤作廊
風。

文十五年齊侯侵我西鄙傳。○季文子曰詩曰胡不相畏
不畏于天周頌曰畏天之威于時保之

詩小雅雨無正及周頌我將將。

宣二年宋鄭戰大棘傳。○君子謂羊斟云云詩所謂人之無良云云

詩衛風鶉之奔奔篇。今誤作鄘風。

晉趙盾弑其君夷臯傳。○士季對晉侯云云詩曰靡不有初鮮克有終又曰衰職有闕惟仲山甫補之宣子曰我之懷矣自貽伊戚

詩大雅蕩及烝民篇又諫杜氏曰逸詩也。

宣九年陳殺其大夫洩冶傳。○孔子曰詩云民之多辟無自立辟

詩大雅板篇杜氏云辟邪也辟法也言邪僻之世不可立法朱子集傳解兩辟字皆作邪僻義其說不同

宣十一年晉狄會橫函傳○邵成子曰詩曰文王既勤止詩周頌賚篇

宣十二年晉楚戰郊傳○陸武子曰汭曰於鏖王師違養時晦武曰無競惟烈孫叔曰詩云元戎十乘以先啓行楚子曰武王克商作頌曰載戢干戈載櫜弓矢我求懿德肆于時夏允王保之又作武其卒章曰耆定爾功其三曰錫時釋思我祖惟求定其六曰綏萬邦曼豐年又君子曰詩

曰亂離瘼矣爰其適歸

內武誓司頌篇名。內今詩作酌。又詩。小雅六月篇。又頌。周頌時邁篇。武卒章。周頌武篇。武三。今周頌賚篇。鋪時之鋪。今詩作敷。武六。今周頌桓篇。說竝詳前辨。又詩。小雅四月篇。爰今詩作奚。

宣十五年晉滅赤狄潞氏傳。○羊舌職曰詩曰陳錫載。詩大雅文王篇載。今詩作哉。後同。

宣十六年晉滅赤狄甲氏傳。○羊舌職曰詩曰戰戰兢兢如臨深淵如履薄冰

詩小雅小旻篇

宣十七年范武子將老傳○范武子將老召文子曰云云
詩曰君子如怒亂庶遄沮君子如祉亂庶遄已

詩小雅巧言篇

成二年晉齊戰鞏傳○賓媚人對晉人云云詩曰孝子不
匱永錫爾類又詩曰我疆我理南東其畝又詩曰布政優
優百祿是道

詩大雅既醉及小雅信南山商頌長發篇布今詩作敷

楚莊王欲納夏姬傳

共王卽位將爲易稱○申叔跪曰異
之役使屈巫聘齊下

哉夫子有三軍之懼又有桑中之喜云云

桑中。衛風篇名。今誤作鄭風。

盟蜀傳。○子重曰詩曰濟濟多士文王以寧又君子曰詩曰不解於位民之攸堅

詩大雅文王及假樂篇。

成四年公如晉傳。○季文子曰詩曰敬之敬之天惟顯思命不易哉

詩周頌敬之篇。

成七年吳伐鄭傳。○季文子曰詩曰不弔昊天亂靡有定

詩小雅節南山篇。

成八年晉侯使韓穿來言汶陽之田傳。季文子餞之云云詩曰女也不爽士貳其行士也罔極二三其德又詩曰猶之未遠是用大簡

詩衛風氓及大雅板篇簡今詩作諫。

晉樂書侵蔡遂侵楚傳。君子曰詩曰愷悌君子遐不作人

詩大雅旱麓篇。

成九年季孫行父如宋致女傳。公享之賦韓奕之五章

穆姜出於房再拜云云賦綠衣之卒章

韓奕大雅篇名綠衣衛風篇名今誤作邶風大雅韓奕之五章言嫁父爲韓姑相與致女事合又其所詠乃諸侯之事左氏傳中歌詩皆此類猶爲近正云

楚公子嬰齊漢書傳○君子曰詩曰雖有絲麻無棄菅蒯雖有姬姜無棄蕉萃凡百君子莫不代匱

逸詩也不見三百篇

成十二年晉卻至如楚聘傳○卻至對子反云云詩曰赴赴武夫公侯干城赴赴武夫公侯腹心

詩周南兔爰篇。

成十四年衛侯如晉傳。○甯子曰詩曰兕觥其觶旨酒思柔彼交匪傲萬福來求。

詩小雅桑扈篇。今詩作觥。傲今詩作敖。

成十六年晉楚戰鄢陵傳。○申叔時對子反云云。詩曰立我烝民莫匪爾極。

詩周頌思文篇。

襄二年夫人姜氏薨傳。○君子曰詩曰其維哲人告之詒言願德之行。又詩曰爲酒爲醴烝粢粢祀以洽百禮降福。

孔偕

詩大雅抑及周頌豐年篇偕今詩作皆。

襄三年祁奚請老傳。君子謂祁奚云云詩云惟其有之
是以似之

詩小雅裳華篇。

襄四年叔孫豹如晉傳。晉侯饗之金奏肆夏之三不拜
工歌文王之三又不拜歌鹿鳴之三三拜韓獻子使行人
子員問之云云對曰三夏天子所享元侯也使臣弗敢
與聞文王兩君相見之樂也臣不敢及鹿鳴君所以嘉寡

君也敢不拜嘉四牡君所以勞使臣也敢不重拜皇皇者
華君教使臣曰必諮于周臣聞之訪問于善爲諮諮親爲
詞諮禮爲度諮事爲諏諮難爲謀臣獲五善敢不重拜
肆夏之三今亡文王大明縣犬雅篇名鹿鳴四牡皇皇
者華小雅篇名此條說詳雅歌辨又按古者燕饗用樂
之事各有一定樂章如儀禮鄉飲酒燕禮所歌是也至
如左氏內外傳稱宴會賦詩則又賓主贈答因時喻事
以明已志此蓋在常禮之外其詩亦非一定樂章故或
旁及變風變雅諸篇然其間出于左氏對會者亦復不

少說竝附見各條下

按春秋時列國諸侯大夫宴會賦詩或旁及樂風變雅諸篇故當時

樂工或私習之左氏因附會其說謬引變風編入雅樂如季札觀樂篇云云耳或疑是魯國樂工緣私習律呂故誤及此非左氏附會然按世周風非先王樂章豈一愚人能知之季札不諳國自可託文札明明請觀周樂魯國樂工亦鮮不敢以此冒昧應命此左氏之附會而失其義者非當年事實也今考左氏

前後所引歌詩之類惟此條獨曰金奏云云工歌云云

蓋如叔孫所譏雖皆沿襲失禮之事

已詳前條

然當時必以

爲燕賓用樂之常故左氏內外傳載之獨詳

外傳此條見後其

他賦詩加在常禮外者則曰某賦某詩而已凡左氏附

會失實之說已失古者雅樂之義然其大略所存猶可

依樣以明也。

或又曰。左氏所稱賦詩。在常用樂歌外者。大半皆其人

自歌。故曰某賦某詩。其或用工歌者。則曰使工。

如使工為之詞。

茅鴟。使大師歌。

巧言卒章之類。若工歌自賦。說可兩通者。則曰為賦。

如魯

宴賓武為賦。惟露彤弓之類。說已見前。

左氏明文可考也。設謂賦詩必盡

屬瞽矇。則如垂簾之享趙孟。弋子咸歌。鄭郊之饒律宣。

六卿竝賦。更迭之奏。既嫌應接不暇。而倉卒之命。亦恐

非其素習也。按此說亦可通。存之。

襄五年楚殺其大夫公子壬夫。傳。○君子謂楚共王云云。

逸詩也不見三百篇。

詩召南行露及小雅節南山小明篇。

衛孫林父來聘傳○穆叔曰詩曰退食自公委蛇委蛇
詩召南羔羊篇

襄八年楚公子貞伐鄭傳○子駟曰周詩有之曰侯河之

清人壽幾何又詩云謀夫孔多是用不集發言盈庭誰敢
執其咎如匪行邁謀是用不得于道

逸詩也不見三百篇又詩小雅小旻篇。

晉士句來聘傳。○公享之宜子賦標有梅季武子賦角弓
賁將出武子賦彤弓

標有梅召南篇名角弓。彤弓。小雅篇名武子賦彤弓。宜
子曰城濮之役我先君文公獻功於衛雍受彤弓於襄
王以爲子孫藏。句也先君守官之嗣也敢不承命。今按
宜子之言是矣然魯以諸侯享大夫而歌天子享諸侯

之詩終非禮也

襄十年晉滅偃陽傳○孟獻子曰詩所謂有力如虎者也
詩衛風簡兮篇今詩作邶風

襄十一年曾申魚傳○晉侯以桑之半賜魏絳辭曰云云
詩曰桑只君子豎天子之邦桑只君子福祿攸同便蕃左
右亦是帥從

詩小雅采芣篇便蕃今詩作平平帥今詩作率杜氏曰
便蕃數也言遠人相帥來服從便蕃然在左右朱子集
傳云平平辯治也左右諸侯之臣也

詩益

卷二十

詩經

六

幾十三年肯營士魴卒傳。君子曰詩曰儀刑文王萬邦作孚又詩曰大夫不均我從事獨賢

詩大雅文王及小雅北山篇。

吳侵楚傳。君子以吳爲不弔詩曰不弔昊天亂靡有定詩小雅節南山篇。

襄十四年會吳於向傳。將執戎子駒支范宣子親數諸朝云云對曰云云賦青蠅而退

青蠅小雅篇名。

十三國伐秦傳。叔向見叔孫穆子穆子賦匏有苦葉士

鞅對秦伯曰武子之德在民如周人之思召公焉愛其甘棠云云

匏有苦葉。衛風篇名。今誤作邶風。甘棠召南篇名。

衛侯出奔齊傳。○孫文子如戚孫蒯入使公飲之酒使大帥歌巧言之卒章

巧言。小雅篇名。案凡歌詩有以全篇爲義者。如秦穆公賦六月。及魯君賦嘉樂。季武子賦彤弓之類是也。有取章句爲義者。如此歌巧言卒章。及魯穆叔賦載馳四章。季武子賦常棣七章以卒。邠工師駟赤取揚水卒章四

言之類是也。二者初無定例。但既歌全詩。則其義卽不徒在一章一句。而義祇取章句。卽不必復歌全詩。所謂斷章取之者。襄二十八年傳。蓋皆指章句而言。若歌全詩。必有合於篇內大意而後取之。此其大略也。以此推之。凡左氏所稱歌詩得失之辨。可依類而明矣。凡賦詩並自此例。

又案杜氏註說有云。古者禮會。因古詩以見意。故言賦詩。斷章也。其全稱詩篇者。多取首章之義。愚謂杜氏說不然。蓋凡左氏所稱宴會賦詩。義多附會駁雜。而不可

強通故杜氏曲解如此然非左氏本義也今考桑穆公

賦六月趙衰曰君稱所以佐天子者命重耳此取六月

次章義也

說已見前

公孫段賦桑扈趙孟曰匪交匪敖福將

為往此取桑扈卒章義也

說詳後

魯享宋華定賦蓼蕭昭

子曰宴語之不悞寵光之不宜令德之不知同福之不

受又兼取全篇四章之義

說詳後

豈得謂祇取首章義乎

據此數條推之可知左氏

歌詩本無義取首章之說

又如左氏稱楚令尹公子圖

享趙孟賦大明之首章

詳見後

若凡歌詩義祇取首章則

但云歌大明可耳固不必分別言首章矣

劉位據此條規杜氏以為

非是其論甚正。今復依劉氏說推廣之。

杜氏註鄭子展賦將仲子云義取

衆言可畏。鄭伯有賦鶉之奔奔云義取人之無良。我以

爲兄。我以爲君。

說位詳後

則又取本篇全詩及末章爲義說

亦自相謬戾。以此推之杜氏曲解而不可爲據信矣。

楚子囊還自伐吳傳。○君子謂子囊云云詩曰行歸于周

萬民所望

詩小雅都人士篇傳引詩曰忠也杜氏曰忠信爲周毛

傳義同朱子集傳云周鎡京也。

襄十五年楚公子午爲令尹傳。○君子謂楚於是乎能官

人云云詩云嗟我懷人實彼周行能官人也王及公侯伯子男甸采衛大夫各居其列所謂周行也

詩周南卷耳篇左氏此條毛鄭氏舊解從之然非詩義也果子集傳云周行大道也

襄十六年叔孫豹如晉傳○見中行獻子賦圻父見范宣子賦鴻雁之卒章

圻父鴻雁小雅篇名圻今詩作祈

襄十九年季孫宿如晉傳○晉侯饗之范宣子爲政賦黍苗季武子與再拜稽首云云賦六月

黍苗六月皆小雅篇名。今按此二篇乃美尹吉甫召穆公佐命宣王之詩。而晉魯之大夫賦之以美晉君杜氏註黍苗云。喻晉君憂勞魯國如召伯。註六月云。以晉君比吉甫出征匡王國。左氏賦詩。若此類義猶可通也。齊及晉平傳。○穆叔見叔向賦載馳之四章。

載馳。衛風篇名。今誤作鄆風。

襄二十一年季孫宿如宋傳。○蒍師段述之以受養賦常棣之七章以卒歸復命公饗之賦魚麗之卒章公賦南山有

常棣魚麗。南山有臺。皆小雅篇名。

襄二十一年晉欒盈出奔楚傳。○叔向曰詩曰優哉游哉聊以卒歲又詩曰有覺德行四國順之。○邾奚見宣子曰詩曰惠我無疆子孫保之。

逸詩也不見三百篇又詩大雅抑及周頌烈文篇。

襄二十二年鄭公孫黑肱有疾傳。○君子曰詩曰慎爾侯度用戒不虞。

詩大雅抑篇。

襄二十四年范宣子爲政傳。○子產寓書於子西以告宣

子云云詩云樂只君子邦家之基上帝臨女無貳爾心
詩小雅南山有臺及大雅大明篇

襄二十五年衛獻公自夷儀使與甯喜言傳○大叔文子
聞之曰詩所謂我躬不說皇恤我後云云又詩曰夙夜匪
懈以事一人

詩衛風谷風及大雅烝民篇說今詩作閔皇今詩作遑
襄二十六年會洹淵傳○衛侯如晉晉人執而囚之於士
弱氏齊侯鄭伯爲衛侯故如晉晉侯兼享之晉侯賦嘉樂
國景子相齊侯賦蓼蕭子展相鄭伯賦緇衣晉侯言衛侯

之罪云云國子賦皆之柔矣子展賦將仲子今

嘉樂大雅篇名。蓼蕭小雅篇名。緇衣將仲子。鄭風篇名。

皆之柔矣。逸詩不見三百篇。齊侯賦嘉樂。齊侯賦蓼蕭。

魯齊王氏說附見後。嘉樂篇辨略已見前。其小雅蓼蕭。

篇義猶湛露也。

蓼蕭湛露。並天子燕諸侯之詩。

今諸侯享諸侯而歌之。

智出寧武下矣。將仲子。婦人之作也。晉君告二國以衛

罪。

時衛侯公復為孫林父以收叛如晉。衛人侵戚東鄰。殺晉戍三百人。故晉為林父執衛侯。

而子展

賦此詩。不類甚矣。

詩意與晉衛事全不關涉。

杜氏云。義取衆言可畏。

則但賦末章畏人之多言數語可耳。何必歌全詩哉。此

蓋左氏附會之說而非其實或乃據此辨別本篇詩意

不益謬乎

吳氏說
見前辨

楚伍參與蔡大師于朝友傳。聲子對令尹子木云云詩曰人之云亡邦國殄瘁商頌有之曰不僭不濫不敢怠皇命于下國封建厥福

詩大雅瞻卬及商頌殷武篇

襄二十七年齊慶封來聘傳。叔孫與慶封食不散爲賦相鼠亦不知也

相鼠衛風篇名今誤作邶風相鼠詩曰相鼠有體人而

無禮人而無禮胡不逃死。今慶封雖無禮烏有歌此而不知者。蓋左氏附會其說如此。未敢以爲信也。

盟宋傳。鄭伯享趙孟於垂隴。子展伯有子西子產子大叔二子石從趙孟曰。七子從君以寵武也。請皆賦以卒君貶云云。子展賦草蟲。伯有賦鶉之賁賁。趙孟曰。牀第之言不貽。闕況在野乎。非使人之所得聞也。子西賦黍苗之四章。子產賦蟋蟀。桑趙孟曰。武請受其卒章。子大叔賦野有蔓草。印段賦蟋蟀。公孫段賦桑扈。趙孟曰。匪交匪敖。福將焉往。

草蟲召南篇名。鴉之實實。衛風篇名。今誤作鄭風。黍苗
國風。桑扈皆小雅篇名。野有蔓草。鄭風篇名。蟋蟀。唐風
篇名。今按伯有。鄭大夫也。鄭享晉藉。孟子垂臨時。鄭伯
在坐。而伯有賦鴉之實實。曰。人之無良。我以為君人之
無良。我以為兄。鄭伯將安之乎。抑聞之而矍然起也。蓋
左氏欲以明其人之將見殺耳。豈足深信乎。鄭人殺伯有。事見襄
三十年。凡左氏傳中賦詩說。其附會失實頗多。此類今不
悉辨也。子大叔賦野有蔓草。已見前本篇。小雅桑扈。末
章曰。彼交匪敖。萬福來求。趙孟云云。蓋取此詩末章之

義如此。

宋左師詩實傳。○君子曰彼已之子邦之司直何以恤我。我其收之。

詩鄭風羔裘篇已。今詩作其。又詩杜氏曰逸詩也不見三百篇。朱子集傳引作周頌繼天之命篇。改詩假以淫我作何以恤

我。
今依詩本文義解見本傳

楚遺罷即前詩。晉侯饗之將出賦既醉

既醉大雅篇名。

襄二十八年齊慶封來奔傳。○叔孫穆子食屢封慶封池

祭穆子不說使工爲之編茅鴟

逸詩也不見三百篇。

襄二十九年公至自楚傳。公欲無入榮成伯戲式微乃歸。

詩衛風篇名。今誤作邶風。

葬靈王傳。子展曰詩云王事靡盬不遑啓處

詩小雅四牡篇。

城杞傳。子大叔曰詩曰協比其鄰昏婦孔云

詩小雅正月篇。

吳子使札來聘傳。○詩觀於周樂使工爲之歌。周南召南曰美哉。始基之矣。猶未也。然動而不怨矣。爲之歌。邶鄘衛曰美哉。淵乎。憂而不困者也。吾聞衛康叔武公之德如是。是其衛風乎。爲之歌。王曰美哉。思而不懼其周之東乎。爲之歌。鄭曰美哉。其細已甚。民弗堪也。是其先王乎。爲之歌。齊曰美哉。泱泱乎。大風也哉。表東海者。其大公乎。國未可量也。爲之歌。國曰美哉。蕩乎。樂而不淫。其周公之東乎。爲之歌。秦曰北之謂夏。聲大能夏則大大之至也。其周之舊乎。爲之歌。魏曰美哉。渢渢乎。大而婉儉而易行。以德輔此。

則明主也爲之歌唐曰思深哉其有陶唐氏之遺民乎不
然何憂之遠也非令德之後誰能若是爲之歌陳曰國無
主其能久乎白部以下無譏焉爲之歌小雅曰美哉思而
不貳怨而不言其周德之衰乎猶有先王之遺民焉爲之
歌大雅曰廣哉熙熙乎曲而有直體其文王之德乎爲之
歌頌曰至矣哉直而不偕曲而不屈邇而不偏遠而不攜
邇而不淫復而不厭哀而不愁樂而不荒用而不匱廣而
不宣施而不費取而不貪處而不底行而不流五聲和八
風平節有度守有序盛德之所同也見舞象箏南音者曰

美哉猶有憾見舞大武者曰美哉周之盛也其若此乎見
舞韶濩者曰聖人之弘也而猶有慙德聖人之難也見舞
大夏者曰美哉勤而不德非禹其誰能修之見舞韶箚者
曰德至矣哉六矣郊天之無不晴也如地之無不載也舉
其盛德其茂以加於此矣觀止矣若有他樂吾不敢請已
左氏此條見前雅歌端蓋其說之附會大實者既詳論
之矣但左氏去聖人未遠則其書猶存孔子之舊故此
條內多可採者詩義往往依之以明學者節取焉可也
說已附見詩次
同故不復著
至國風次第略與今詩不同或傳聞異

辭。或左氏稍易其序。以自別於孔子。皆未可定。先儒據

此。遂謂孔子未刪詩次序。

廬陵歐陽氏說。

蓋誤信左氏而未之

考耳。

說並附見前辭下。

鄭伯有使公孫黑如楚。傳○裨諲曰。詩曰。君子屢盟。亂是

用長。

詩。小雅巧言篇。

襄三十年。會澶淵。傳○君子曰。詩曰。文王陟降。在帝左右。

又曰。淑慎爾止。無載爾偽。

詩。大雅文王篇。又詩。逸詩也。不見三百篇。

襄三十一年子產相鄭伯如晉傳。叔向曰詩曰辭之輯矣民之協矣辭之輯矣民之莫矣。

詩大雅板篇協今詩作洽釋今詩作輯。

北宮文子相衛襄公如楚傳。文子言於衛侯云云詩云誰能執熱逝不以濯。

詩大雅桑柔篇。

衛侯在楚傳。北宮文子言於衛侯云云詩云靡不有初鮮克有終又詩云敬慎威儀惟民之則又衛詩曰威儀棣棣不可選也又周詩曰朋友攸攝攝以威儀又詩云不議

不知顧帝之則

詩大雅蕩篇又詩大雅抑篇又詩衛風柏舟篇今誤作
抑風又詩大雅既醉及皇矣篇衛風柏舟篇左氏載北
宮文子語直稱衛詩而不稱邶詩此亦衛風三十九篇
不分屬邶鄘之一證也

昭元年會號傳。趙文子曰詩曰不借不賦鮮不爲則樂
王肅曰小旻之卒章善矣令尹黎趙孟賦大明之首章趙
孟賦小宛之二章又叔向對趙孟云云詩曰赫赫宗周褒
姒滅之

詩大雅抑篇。小旻。小雅篇名。大明。大雅篇名。小宛。小雅篇名。又詩小雅正月篇。減今詩作威。楚令尹公子圍享趙孟。臣大羽之首章。晉齊王氏說附見後。

趙孟叔孫豹曹大夫入於鄭傳。鄭伯兼饗之。趙孟賦椒葉穆叔賦鵲巢。又賦采芣子皮賦野有死麕之卒章。趙孟賦常棣。

孤葉常棣皆小雅篇名。鵲巢采芣野有死麕皆召南篇名。趙孟賦孤葉穆叔曰。趙孟欲一獻說已詳前辨。

叔弓帥師驅鄭田傳。君子曰詩曰無競維人。

詩大雅抑篇

楚公子比出奔晉傳。叔向曰詩曰不侮鰥寡不畏強禦
詩大雅烝民篇。

昭二年晉韓起來聘傳。公饗之季武子賦歸之卒章韓
子賦角弓武子賦節之卒章既饗宴於季氏武子賦甘棠
自齊聘於衛衛侯饗之北宮文子賦淇澳宣子賦木瓜
歸。大雅篇名角弓節。小雅篇名甘棠召南篇名淇澳木
瓜。衛風篇名武子賦歸。魯齊王氏說附見後。小雅節卒
章曰家父作誦以究王誥式詆爾心以畜萬邦。今武子

對晉大夫歌此詩所謂究王誡訛爾心者何謂乎其無
理明矣。杜氏註義取式訛爾心以畜萬邦言晉德可以畜萬邦按杜氏說詩上兩句義固不能曲解也
此亦主氏之附會而非其實者宜子賦木瓜蓋借篇中
投報永好之義然本篇詩意固不必泥此也或乃據之
而疑朱子傳解過矣。淫野呂氏說見前辨

叔弓如晉傳○叔向曰詩曰敬慎威儀以近有德

詩大雅民勞篇

昭三年齊侯使晏嬰請繼室於晉傳○君子曰詩曰君子
如祉亂庶遄已

詩小雅巧言篇。

鄭伯如晉傳。○君子曰詩曰人而無禮胡不遄死

詩衛風相鼠篇今誤作鄘風。

鄭伯如楚傳。○楚子餐之賦吉日既饗子產乃具田備王
以田江南之夢

吉日。小雅篇名。吉日。美周宣王田獵之詩。今楚子將出
田歌之。其情妄不辨而明。

昭四年大雨雹傳。○季武子問於申豐云云對曰七月之
卒章云云

七月。豳風篇名。

鄆子產作邱賦傳。○子產云云詩曰禮義不愆何恤於人言

逸詩也不見三百篇。

邶五年舍中軍傳。○仲尼曰詩云有覺德行四國順之

詩大雅抑篇。

昭六年鄭人鑄刑書傳。○叔向使貽子產書云云詩曰儀式刑文王之德日靖四方又曰儀刑文王萬邦作孚

詩周頌我將及大雅文王篇。

詩經
卷二
宋華合比出奔衛傳。左師曰詩曰宗子維城毋俾城壞
毋獨斯與

詩大雅板篇。堦今詩作無。

楚公子棄疾如晉傳。叔向曰詩曰爾之教矣民胥效矣
諫小雅角弓篇。

昭七年楚子之爲令尹傳。芋尹無字。離曰云云詩曰普
天之下莫非王土率土之濱莫非王臣

詩小雅北山篇。

日有食之傳。晉侯問於上爻何下。○公曰詩所謂夜日而食于何不

臧云云

詩小雅十月之交篇。

衛侯惡卒傳。晉大夫言於范獻子云云。詩曰鵲鳴在原。兄弟急難。又曰死喪之威。兄弟孔懷。

詩小雅常棣篇鵲鳴。今詩作春令。

公至自楚傳。仲尼曰詩曰君子是則是效。

詩小雅鹿鳴篇。

季孫宿卒傳。伯瑕對晉侯云云。詩曰或燕燕居息。或惓惓。

粹事國。

詩小雅北山篇。憔悴。今詩作盡瘁。

昭八年石言于晉。魏榆傳。叔向曰。詩曰。哀哉不能言。匪舌是出。惟躬是瘁。苟矣能言。巧言如流。俾躬處休。

詩小雅雨無正篇。

昭九年。築郎囿。傳。叔孫昭子曰。詩曰。經始勿亟。庶民子來。

詩大雅靈臺篇。

昭十年。齊樂施來奔。傳。陳桓子曰。詩云。陳錫載周。詩大雅文王篇。

季孫意如叔弓仲孫閱伐莒傳。臧武仲在齊聞之云云
詩曰德音孔昭視民不佻

詩小雅鹿鳴篇。今詩作恍。

叔孫婁如晉傳。昭子語諸大夫云云。詩曰不自我後
自我後

詩小雅正月篇。

昭十二年宋華定來聘傳。褒之爲賦蓼蕭弗知又不答
賦昭子曰宴語之不愾寵光之不宜令德之不知同福之
不受云云

蓼蕭小雅篇名。詩首章曰。燕笑語兮是以有譽處兮。二章曰。既見君子。爲龍爲光。三章曰。宜兄宜弟。令德壽豈。四章曰。和鸞雝雝。萬福攸同。昭子云云。兼取全篇之義如此。

楚子狩於州來傳。○右尹子革對楚子曰。昔穆王欲肆其心。周行天下。將皆必有車轍馬跡焉。祭公謀父作祈招之詩。以止王心。其詩曰。祈招之愔愔。式昭德音。思我王度。式如玉式。如金。罔民之力。而無醉飽之心。

逸詩也。不見三百篇。

昭十三年會平邱傳○仲尼謂子產云云詩曰樂只君子
邦家之基

詩小雅南山有臺篇

昭十六年齊侯伐徐傳○叔孫昭子曰詩曰宗周既滅靡
所止戾正大夫離居莫知我肆

詩小雅雨無正篇肆今詩作勸

晉韓起聘鄭傳○鄭六堂饒宣子於郊子驥賦野有蔓草
子產賦鄭之羔裘子大叔賦褰裳宣子曰起在此敢勸子
至於他人乎子游賦風雨子旗賦有女同車子柳賦蔣兮

宣子皆獻馬焉而賦我將

野有蔓草。羔裘褰裳。風雨有文。同車。釋兮。皆鄭風篇名。
我將。周頌篇名。子大叔賦褰裳詩。曰子惠思我。褰裳涉
溱。子不我思。豈無他人。狂童之狂也。且此何語耶。而歌
於大國之郊之前。此亦左氏之附會而非其實者。毛鄭
氏解詩從此義。謬矣。宣子賦我將。則又僭妄失禮之一
端也。我將。宗祀文王于明堂以配上帝之詩。宣子對鄭大夫歌此。其僭妄亦易明。已上春秋
傳賦詩說。今惟摘其著者論之。如此。蓋此雖非古者用
樂之常。然以天子之樂章。諸侯大夫皆僭歌之。孔子所

爲正樂也。魯齊王氏詩辨亦謂晉侯之賦假樂齊侯之賦蓼蕭諸侯僭天子之詩也。楚公子圍之賦大明季武子之賦絲葛宣子之賦我將大夫僭天子之詩也。讀者因此推廣之。可以得聖人正樂之旨矣。又其甚者。當時列國諸侯大夫宴會所賦。或旁及變風變雅諸篇。中間復多左氏附會以謬亂其說。凡左氏載賦詩及變風變雅者。說尤多不可通。其爲附會易明。後之學者。因疑衰世之作。竝入先王雅樂。如讀者詳之。邇謂三百篇皆弦歌之求合節武之音云云。其害義不亦滋甚乎。故不可以無辨。

昭十七年小邾子來朝傳。公與之宴季平子賦采芣者
公賦菁菁者莪

采芣菁菁者莪皆小雅篇名。

昭二十年齊侯田于沛傳。晏子對齊侯云云詩曰亦有
和羹既戒既平設設無言時靡有爭又詩曰德音不瑕

詩殷頌烈祖篇。今詩作假又詩。幽風狼跋篇。

鄭子產有疾傳。仲尼曰詩曰民亦勞止汔可小康惠此
中國以綏四方毋縱詭隨以謹無良式遏寇虐慘不畏明
柔遠能邇以定我王又曰不競不綏不剛不柔布政優優

百祿是遷

詩大雅民勞篇又詩商頌長發篇

昭二十一年葬蔡平公傳○昭子曰詩曰不解於位民之攸暨

詩大雅假樂篇

昭二十三年楚囊瓦城郢傳○沈尹戌曰詩曰無念爾祖聿修厥德

詩大雅文王篇

昭二十四年鄭伯如晉傳○子大叔對范獻子云云詩曰

餅之駘矣惟魯之恥

詩小雅蓼莪篇

吳越巢傳。沈尹戌曰詩曰誰生厲階至今爲梗

詩大雅桑柔篇

昭二十五年叔孫婁如宋傳。宋公饗昭子賦新宮昭子賦車轄又樂祁曰詩曰人之云亡心之憂矣

新宮逸詩也不見三百篇或曰卽小雅斯干車轄小雅

篇名轄今詩作臺又詩大雅瞻卬篇

昭二十六年齊有彗星傳。晏子曰詩曰惟此文王小心

翼翼昭事上帝聿懷多福厥德不回以受方國又詩曰我
無所監夏后及商用亂之故民卒流亡又詩曰雖無德與
女式歌且舞

詩大雅大明篇又詩逸詩也不見三百篇又詩小雅車
牽篇

昭二十八年晉祁勝與郕臧通室傳○叔游曰詩曰民之
多辟無自立辟

詩大雅板篇

晉韓宣子卒傳○成鱣對魏子云云詩曰惟此文王帝度

其心其德音其德克明克明克類克長克君王此大國
克顧克比比于文王其德靡悔既受帝祉施于孫子心能
制義曰度德正應和曰莫照臨四方曰明勤施無私曰類
教誨不倦曰長賞慶刑威曰君慈和福服曰順擇善而從
之曰比經緯天地曰文仲尼聞魏子之舉云云詩曰永言
配命自求多福

詩大雅皇矣及文王篇維此文王今詩作王季王此大
國今詩作大邦左氏度其明類等字義毛鄭氏舊解引
之。朱子集傳多不從。今考之詩意亦不盡合也。

昭三十二年城成周傳。衛彪傒曰詩曰敬天之怒不敢
戲豫敬天之渝不敢馳驅

詩大雅板篇不今詩作無。

公薨於乾侯傳。史墨對趙簡子云云詩曰高岸爲谷深
谷爲陵

詩小雅十月之交篇。

定四年吳入郢傳。鄒公辛曰詩曰柔亦不茹剛亦不吐
不侮矜寡不畏彊禦又申包胥如秦乞師秦哀公爲之賦
無衣

詩大雅烝民篇無衣秦風篇名。

定九年鄆駟歆殺鄆析傳。君子謂子然云云靜女之三章取彤管焉竿旄何以告之云云又詩云蔽芾甘棠勿剪勿伐召伯所茇。

靜女。竿旄。衛風篇名。靜女。今誤作柳風。竿旄。今誤作鄆風。竿。今詩作干。又詩。召南甘棠篇。

定十年晉趙鞅圍衛傳。君子曰詩曰人而無禮胡不遄死。

諫衛風相鼠篇。今誤作鄆風。

叔孫州仇仲孫何忌圖邱傳○邱工師駟赤對叔孫曰臣
之業在揚水卒章之四言矣

揚水唐風篇名

哀二年晉鄭戰鐵傳○樂丁曰詩曰爰始爰謀爰契我龜
詩大雅緜篇

哀五年鄭駟秦富而侈傳○子思曰詩曰不解于位民之
攸堅又商頌曰不僭不濫不敢怠皇命以多福

詩大雅假樂及商頌殷武篇命以多福今詩作封建厥
福

哀二十六年衛出公自城鉏使以弓問于貢傳。○子貢私于使者云云詩曰無競維人四方其順之

詩大雅抑篇順今詩作訓

外傳周語

穆王將征犬戎傳。祭公謀父曰周文公之頌曰載戢干戈載櫜弓矢我求懿德肆于時夏允王保之

詩周頌時邁篇內傳云武王克商作頌此又云周文公之頌說見前辨

厲王說榮夷公傳。芮良夫曰頌曰思文后稷克配彼天

立我烝民莫非爾極大雅曰陳錫載周

詩周頌思文及大雅文王篇

鄭人伐滑傳○富辰曰周文公之詩曰兄弟閔於牆外禦其侮

詩小雅常棣篇內傳云召穆公作今云周文公二說不同辨已見前

晉既克楚於鄢傳○單襄公曰詩曰豈弟君子求福不回詩大雅旱麓篇

穀洛閼傳○大子晉諫靈王云云詩曰四牡騤騤旗旐

言年
卷二
翻亂生不夷靡國不泯又曰民之貪亂寧爲荼毒又詩曰
殷鑒不遠近在夏后之世

詩大雅桑柔及蕩篇近在夏后之世今詩無近字

晉羊舌肸聘於周博。叔向告單之老云云詩曰昊天有
威命二后受之成王不敢康夙夜基命宥密緝熙亶厥心
肆其靖之是道成王之德也成王能明文昭能定武烈者
也夫道成命者而稱昊天翼其上也二后受之讓於德也
成王不敢康敬百姓也夙夜恭也基始也命信也有寬也
密寧也緝明也熙廣也亶厚也肆固也靖和也又詩曰其

類推何室家之壺君子萬年永錫祚胤類也者不忝前哲
之謂也壺也者廣裕民人之謂也萬年也者令聞不忘之
謂也祚胤也者子孫蕃育之謂也

昊天有成命周頌篇名緝熙上今詩有於字。豈作單。又
詩大雅既醉篇傳解昊天有成命及既醉篇章句義毛
鄭氏舊解同朱子集傳多不取今以詩意考之亦不盡
合也。但道成王之德一語朱子據之爲說云。

景王將鑄大錢傳。單穆公曰詩亦有之曰瞻彼旱麓
裒濟濟楹梯君子干祿楹梯

詩大雅旱麓篇鹿今詩作麓

劉文公與長弘欲城成周傳。衛彪侯見單穆公云云周詩有之曰天之所支不可壞也其所壞亦不可支也昔武王克殷而作此詩也以爲飢歌名之曰支

逸詩也不見三百篇。

魯語

叔孫穆子聘於晉傳。晉悼公饗之樂及鹿鳴之三而後拜樂三晉侯使行人問焉對曰先樂金奏肆夏樊桐渠天子所以饗元侯也歌文王大明騶則兩君相見之樂也皆

昭令德以合好也。皆非使臣之所敢聞也。臣以爲肄業及之故不敢拜。今伶簫詠歌及鹿鳴之三君之所以況使臣臣敢不拜。況夫鹿鳴君之所以嘉先君之好也。敢不拜。嘉凶牡君之所以章使臣之勤也。敢不拜。章皇皇者華君教使臣曰每懷靡及。諏謀度詢必咨於周。敢不拜。教臣聞之曰懷和爲每懷咨才爲諏咨事爲謀咨義爲度咨親爲詢忠信爲周君况使臣以大禮重之以六德敢不重拜。

此與內傳襄四年文大同小異說見前。

諸侯伐秦傳。○穆子曰約之業及匏有苦葉矣。

苑有苦葉。衛風篇名。今誤作邶風。

公父文伯之母欲室文伯傳。公父文伯之母欲室文伯
饗其宗老而爲賦綠衣之三章

綠衣。衛風篇名。今誤作邶風。

齊閔邱來盟傳。閔馬父曰昔正考父校商之名頌十二
篇於周大師以那爲首其輯之亂曰自古在昔先民有作
溫恭朝夕執事有恪

那商頌篇名。

晉語

友公在翟十二年傳。○齊姜氏言於公子云云詩云上帝
臨女無貳爾心又周詩曰華華征夫每懷靡及又鄭詩曰
仲可懷也人之多言亦可畏也宋公孫固言於襄公云云
商頌曰湯降不遲聖敬日躋鄭叔詹曰周頌曰天作高山
大王荒之楚子曰曹詩曰彼已之子不遂其媾秦伯饗公
子如饗國君之禮明日燕秦伯賦采芣子餘使公子賦黍
苗秦伯賦鳩飛公子賦河水秦伯賦六月

詩大雅大明及小雅皇皇者華鄭風將仲子商頌長發
周頌天作曹風侯人篇華華今詩作駢駢已今詩作其

采菽黍苗六月皆小雅篇名鳩飛河水皆逸詩不見三百篇韋氏以鳩飛爲小宛河水爲沔水義無可考

文公問於胥臣傳。胥臣對文公云云詩云刑于寡妻至于兄弟以御于家邦又詩曰惠于宗公神罔時恧

詩大雅思齊篇。

楚語

靈王爲章華之臺傳。伍舉對靈王曰周詩曰經始靈臺經之營之庶民攻之不日成之經始勿亟庶民子來王在靈囿麋鹿攸伏

詩大雅靈臺篇。

左史倚相廷見申公子亹傳。○左史曰昔衛武公年數九十有五矣。猶箴儆于國。曰。自卿以下至于師長士苟在朝者。無謂我老耄而舍我。必恭恪于朝。朝夕以交戒。我于是作懿戒。以自儆。及其歿也。謂之睿聖武公。

懿戒。逸詩也。舊說作大雅抑篇。辨見本詩。

靈王虐傳。○白公子張對靈王曰。周詩有之。曰弗躬弗親。庶民弗信。

詩小雅節南山篇。按雅歌辨及此。已略辨當世僭禮之

事與孔子正樂之大凡矣。但編詩之說，終有宜者，辨者。

蓋三百篇未經聖人刪定之書，今已無考。然如國風邶

鄘衛以下，無夷屬以前之詩。蓋據國風時世可考者如此。二雅亦無

康夷間詩，據此以推。凡變風變雅之獲附聖經，以垂久

遠者，蓋皆起于孔子。說詳詩次問。又按凡詩以國不傳首頗多，謂孔子盡刪之，恐無是理。

舊說古詩三千，孔子刪至三百，今亦未敢深信。則其編定義例，亦皆制自孔子

可知。故以二南與邶鄘衛以下，衰世諸侯之風同

編。古者諸侯國風不登，天子樂章。故列國不傳，盛代之詩說詳詩次問。以此推之，可見諸侯國風古蓋未有

與二南同編者。小雅鼓鐘篇曰：以雅以南，不曰以雅以風，亦是一證。又以屬宣之雅上接

成王問其臣而錄其存蓋皆聖人編定之意所屬斷也
他如當代所用祭祀朝會燕饗樂歌之詩宜在雅者則
歸之雅宜在頌者則歸之頌蓋惟復先王之舊以去宣
日樊亂失次謬惑潛竊之病是亂失次謂詩篇而非有
所創矣一雅惟歌詩與宣室時詩附次亦是孔子特創
義例如此此與國風首二句哀相聞之義讀昔詩之學者惟誤於左氏季札觀樂
篇說因疑孔子之前三百篇已自成書遂昧而弗之察
耳故卒附論於此以終詩益之義

詩益卷之二十終